

光緒吉林通志

吉林通志卷八十一

人物志十 金九

瓜爾佳沃哩布

溫特赫富拉塔

烏雅呼爾喀

烏雅沃哩布

赫舍哩呼喇

烏蘇額琳

延札們都

布薩歡塔

烏庫哩薩哈

誕延溫都思忠

白彥敬

烏雅富埒赫

烏雅普霞努

札拉

富察鄂倫

瓜爾佳呼喇

瓜爾佳札拉

瓜爾佳沃哩布

原作夾谷
吾里補

南圖璋

原作暗
吉渾

河人徙天

德父温屯

原作兀屯

討烏春烏木罕

原作窩謀罕

有功沃哩布

隸羅索

原作婁室

帳下攻係遼女直招降達哈藩昭蘇

原作

太鸞

金史本傳

從救烏楞古

原作韓魯古

於威州敗遼兵於

雅勒呼

原作押魯虎

城其軍營遼水乘夜引五穆昆軍擊

之遼軍驚潰殺獲幾盡從伐高永昌預伏四十騎於

要津以數騎奮擊於遼水之上獲其生口盡知虛實

太祖嘉之賞奴婢八人永昌駐軍於兔兒隄先據津

要軍不得渡沃哩布與薩巴

原作撒八

射殺其先鋒二人

敵眾稍卻大軍遂渡遼水及攻廣甯復與持嘉和木

歡

原作赤蓋
忽沒暉

各領所部突入其陣大軍繼之遂拔廣

甯攻臨潢面被重創奮擊自若賞以遼宮女二人

宏簡

錄

遼王杲已取中京令引四十騎覘敵獲遼喉舌人

因知遼主所在後從都統幹魯定雲中從宗翰屯應

州遼軍在近境將所部擊敗之宗望伐宋宋安撫使

蔡靖詣沃哩布降

金史本傳

羅索攻陝西諸部復叛復攻

敗之與張浚戰富平皆先登宗輔賞以金器名馬後

爲先鋒攻下蘭州城加昭武大將軍授世襲明安累

官布塔布

原作李特本

部族節度使以老致仕封芮國公

沃哩布生平多智略膂力過人雖老勇健不衰大定

初劇賊嘯聚出特布

原作圖鄙

關輒率鄉里年少逆擊之

賊黨潰去事聞賞賚甚厚

宏簡錄

二十六年卒一百有

五歲

金史本傳

溫特赫富拉塔

原作溫迪罕滿里特

隆州伊蘭明安

原作移噶

勒珠

原作胡勒出

寨人也魁梧美髯有謀略以智勇聞都

統臬取中京富拉塔權明安領軍五千遇契丹萬餘

與戰敗之出恭古魯

原作袞古里

道敗敵八千餘至拉捫

華

原作臘門華

道復以伏兵敗敵萬人太祖定燕自儒州

至居庸關執其喉舌人有頃賊三千餘人復寇拉捫

華道富拉塔整隊先登賊識其旗幟望風而遁遂奮

擊之親執賊帥天會六年

史作皇統元年
依詳校本改

從梁王宗

弼伐宋留軍唐州敵眾奄至富拉塔擊之大名軍四
千號二十萬富拉塔率親管明安身先士卒衝擊敵
少卻乃張左右翼併擊之敵眾散走而別遇兵二萬
來援復以兵三千擊走之時邳州土賊嘯聚幾二十
萬富拉塔軍三千分爲數隊急攻之賊潰去汴京路
史作南京路
依詳校本改遇敵軍二萬以軍三千擊敗之是日有
兵自城中出者復擊敗之皇統二年遷定遠大將軍
同知鳳翔尹六年改京兆尹轉甯州刺史改西北路
招討都監遷永定軍節度使海陵南征改武衛軍都

總管大定三年授開遣軍節度使改泰甯卒子烏達

原作兀帶十九年以功授武功將軍本明安希楚哈

原作奚楚

痕世襲穆昆

宏簡錄

烏雅呼爾喀

原作烏延胡里改

海蘭

原作孩懶

路錫馨

原作星顯

水人

也後授愛呼

原作愛也窟

水穆昆因家焉從棟摩

原作闊母圍

平州有功及伐宋圍汴五穆昆與宋兵萬人遇於城

南呼爾喀先馳擊敗之元帥府遂賞良馬一匹五年

攻宗城縣敵棄城走恩州追殺千餘人獲車四百輛

帥府賞牛三十頭馬一匹七年討泰山羣盜平之毀

其營柵兗州羣盜三千餘保據山險復破之賞牛二

十二頭馬四匹八年攻廬州至柘皋鎮領甲士三十

爲前鋒執宋所遣持書與劉四廂錡者七人復以先

鋒攻和州比至含山縣五里獲甲士二人乃知宋三

將將兵且至亟伏其軍遂獲姚觀察

金史本傳

呼爾喀以

屢獲生口

沃里布傳

帥府賞馬二匹九年定陝右以所部

遇敵千人敗之生擒甲士得敵虛實

二語依宏簡錄

又從富

埒瑄

原作蒲盧渾

徇地熙秦敗敵兵二千於秦州賞馬一

匹宋人屯襄陽監軍阿巴

原作按補

遣領四明安往攻之

宋兵三千已渡江方營壁壘乘其未就突戰破之梁

王宗弼復河南將攻陳州遣引甲士三十捕偵候人

至蔡州西遇兵八十餘戰敗之獲南頓縣令及攻陳

州夜將四更忽聞敵開門潰走卽領二穆昆軍追及

之而明安托克索

原作突葛速

亦領軍至大敗之皇統二

年遷定遠大將軍八年授臨洮少尹兼熙秦路兵馬

副都總管九年改同知京兆尹兼本路兵馬都總管

天德間改同知平陽尹兼河東南路兵馬都總管貞

元三年改同知海蘭路總管大定四年授呼爾哈

原作

胡里

改節度使七年改歸德

史作順德依詳校本改

十年移鎮顯

德卒官年六十九子五十六十九年詔授武功將軍

依富拉塔宏

簡錄傳文世襲本路博多和

原作婆

河穆昆

金史本傳

烏雅沃哩布

原作烏延
吾里補

海蘭

原作
孩湖

路禪嶺人也徒大

名路

金史
本傳

天會中從其父達希布

原作達
吉補

隸右監軍

達蘭

原作
捷懶

麾下因從赴闕領父穆昆從攻滄州方夷

涅濠城中兵來拒擊卻之

宏簡
錄

王師下青州力戰有

功獲馬百匹以獻降賊黨甚眾

本傳

青州戍將德克濟

布

原作
吉補

攻萊州請濟師帥府遣將十二穆昆兵以

往降其四營攻拔一營得戶四十又敗賊兵五萬於

恩州攻破其營降戶五萬牛畜萬餘將至臨清敗敵

兵三千俘獲甚眾生擒賊首帥府嘉其功賞以奴婢

百牛三十

宏簡
錄

時德克濟布敗於恩州之境以兵四

千往救之破敵萬餘宋兵十萬在單父間總管宗室

伊榜古

原作移刺屋

選步卒一萬騎兵四千往討之沃哩

布領其親管穆昆以從遇敵先登力戰有功大軍經

略密州將兵二千爲前鋒遇敵萬人於高密遂破其

眾追至城下殺戮殆盡獲馬牛三千餘復與伯騰

原作

欲字太敗賊王義軍十餘萬於州南是夜賊兵數千來

襲營以兵橫擊走之後隨大軍攻楚揚通泰等州天

眷二年襲其父世襲明安授甯遠大將軍皇統七年

益以親管穆昆天德三年除同知歸德尹正隆初爲

唐古部族節度使大定二年爲保大軍節度使是歲

改鎮通遠是時宋軍十餘萬入河隴據險要攻郡邑

元帥左都監喀齊喀

原作合喜

奏益兵詔益兵七千遣沃

哩布與彰化軍節度使宗室璋等七人偕往以備任

使進階龍武衛上將軍卒於軍中

金史本傳

赫舍哩呼喇

原作紇石烈胡刺

輝發

原作晦發

川阿敦

原作斃敦

河人

徙西北路識契丹字爲帥府小吏梁王宗弼復陝西

久不通問睿宗在燕京遣呼喇往候之是時宗弼自

鳳翔攻和尚原使呼喇視彼中地形修道築城十二

年往濱州密訪南邊事體及觀劉豫治齊狀盡得其

虛實睿宗甚嘉之皇統初從宗弼渡淮及下廬和二

州大破張浚韓世忠等軍遣呼喇馳奏賞以金盃重

綵五端絹七匹七年授同知景州軍州事以廉加忠

武校尉天德初以監察御史分司行臺歷同知濟州

防禦使事入爲監察御史秩滿再任大定二年遷刑

部員外郎與御史大夫白彥敬

原作約索

往西北部族市

馬累轉泗州防禦使三遷扶餘

原作蒲與

路節度使移甯

昌軍卒

金史本傳

烏蘇額琳

原作烏孫訛論

善騎射襲父薩哈

原作撒改

穆昆從攻

蒙克

原作蒙适

攻東京及廣甯擊北京山賊皆有功蕭布

展

原作勃哲

來攻恩州額琳以六十騎偵之逮夜遇敵數

百騎掩擊之生獲三人知布展眾九萬且至

金史本傳

語蒙克爲備遂破布展

宏簡錄

天會六年

太宗紀

從宗望

伐宋破尉氏中牟援兵弁取其城遣以兵百五十破

敵一千於滄州西明年再舉蒙克戍開州額琳以騎

四百守河復敗千餘人斬首七百宗弼渡淮問王善

兵扼其前使額琳率兵二千破之和州北李成兵七

萬又據烏江直前敗之宗弼遂渡江至江甯

宏簡錄

五年沂州竇防禦叛額琳敗之獲竇防禦錄前後功

授明安加昭武大將軍宗弼再取河南額琳以五十

騎敗楊家賊五百於徐州東以功受賞不可勝計天

德二年除唐州刺史移淄州遷寶壘

原作石壘

部族節度

使行至北京病卒

金史本傳

延扎們都

原作顏蓋門都

隆州巴爾佳

原作帕里干

山人也身長

美鬚髯天會間從其兄洋阿

原作羊艾

在軍中方取汴京

其兄戰歿遂擐甲代其兄充軍睿宗定陝右以們都

爲佛甯

原作蒲鞏

隸監軍杲親管萬戶攻饒風關至坊州

杲欲與總管富勒呼

原作蒲魯虎

會於鳳翔遣們都領六

十騎先往期會及還備得地形險阨賞銀五十兩其

後宗弼駐軍山東遣人詣陝西特召至令齋廢齋及

安撫百姓詔書往諭監軍杲旣遣賞以良馬銀絹事

畢復遣從杲天眷初叛將定國軍節度使李世輔僞

邀杲至私署以獻甲爲名遂以兵執劫而去們都突

出以告押軍明安完顏達蘭原作撻懶同率兵追及首先

與戰杲由此得脫以功遷明威將軍復從杲招復陝

西進至鳳翔齊國初廢諸路多反獲不一杲授們都

脾割令往撫定所至多張甲兵從者安之違者討之

帖然無復叛者杲甚嘉之皇統初授廣威將軍四年

授同知通遠軍節度使事改知保安軍事天德三年

爲丹州刺史兼知軍事正隆初爲甯州刺史大定初

宋將吳璘等以軍數十萬人據秦隴元帥府承制以

爲勇烈軍都總管領軍討之宋人保據德順都監喀

齊喀

原作合喜

遣武威軍副都統瓜爾佳扎拉

原作夾會谷查剌

宗室璋議征討之策們都曰都監親至敵必退矣喀

齊喀領軍四萬來赴遂復德順明年秦隴平以功遷

金吾衛上將軍授通遠軍節度使五年改慶陽尹兼

本路兵馬都總管卒們都賦性忠厚謹愨安置營壁

尤能慎密有敵忽來雖矢石至前泰然自若迺號令

士卒如平時由是人益安附而功易成焉十九年錄

功以子祿格

原作六哥

襲木路海蘭烏珠

原作曷懶兀朮

明安

都掄赫辰

原作敵魯論窩申

穆昆授武功將軍

金史本傳

布薩歡塔

原作僕散渾坦

扶餘路嘉們

原作扶蘇

人也身長七尺

勇健有力善騎射年十六從其父和木索

原作胡征沒速

征

伐初授修武校尉爲宗弼章京天會二年

金史本傳

從宗

弼伐宋

富拉塔傳

歡塔領六十騎深入規伺至鄆陵敗宋

護糧軍七百餘人多所俘獲皇統九年除燕州刺史

再遷利涉軍節度使授世襲濟州和卓海蘭

原作和木海蘭

明安舍哩幹寶

原作涉里幹設

穆昆貞元初以憂去官起復

舊職歷泰甯永武軍改咸平尹海陵殺歡塔弟樞密

使呼圖

原作忽土

召歡塔至南京旣見沈思久之謂之曰

汝有功舊不因呼圖得官以此致罪甚可憐憫遂釋

之改興平軍節度使世宗卽位以爲廣甯尹幹罕

原

窩

幹反爲行軍都統與海蘭路總管圖克坦

原

徒單克甯

俱在左翼敗幹罕於長梁改臨潢尹賊平賜金帛改

海蘭路兵馬都總管徙顯德軍慶陽尹致仕大定十

二年上思舊功起爲利涉軍節度使復以金紫光祿

大夫致仕卒年七十二歆塔歷一十七官未嘗爲佐

貳性沈厚有識雖未嘗學問明於聽斷所至有治聲

云

金史本傳

烏庫哩薩哈

原

烏古

海蘭

原

路愛呼

原

人也後徙真定睿宗爲右副元帥聞薩哈勇略選充

章京後從宗弼征伐補麴院都監未幾從伐宋與宋
兵遇於潁州薩哈先登破之皇統元年領漢軍千戶
帥府再以軍四千隸焉除同知鄭州防禦使再遷太
子少詹事大定六年改洛州防禦使上曰卿昔事睿
宗積勞苦逮事朕輔佐太子宣力多矣今典名郡所
以勞卿也遷永定軍節度使歷臨潢鳳翔尹陝西路
統軍使東平尹節制州郡躬行儉約政先寬簡邊庭
久甯人民獲安召爲簽書樞密院事卒十八年世宗
追錄舊勞授其子大興河北西路愛河世襲明安阿

里瑪

原作阿里門

河穆昆階武功將軍

金史本傳

誕延温都

原作釋
温都

思忠本名伊里布

原作乙
刺補

阿卜薩

原作阿
補斯

水人太祖伐遼是時未有文字凡軍事當中

覆而應密者諸將皆口授思忠面奏受詔還軍傳致

詔辭雖往復數千言無少誤及遼人議和思忠與烏

凌阿

原作烏
林答

贊謨

原作
謀

往來專對其間號扎拉

原作
闊刺

扎拉者漢語云行人也自收國元年正月遼人遣僧

嘉努

原作僧
家奴

來使者三往反議不決使者薩喇

原作
撒刺

至遼遼人殺之遼主自將至圖們

原作
斡門

大敗歸復遣

使議和太祖使呼圖克昆

原作胡
突袞

往書曰若不從此

呼圖克昆但送至界上或如薩喇殺之惟所欲者天

輔三年六月遼大冊使太傅實納喀

原作習泥烈契
丹志作蕭習烈

以冊璽至上京一舍先取冊文副錄閱視文不稱兄

不稱大金稱東懷國太祖不受使宗翰宗雄宗幹希

尹原作
古新

定冊文義指楊朴潤色和碩台阿薩爾

原作
鶴實

答阿
撤

高慶裔譯契丹字使贊謨與實納喀偕行

金史
本傳

先是楊朴勸國主遣人詣天祚求封冊

大金
國志

其事有

十徽號大聖大明皇帝一也國號大金二也玉輅三

也袞冕四也玉刻御前之寶五也以弟兄通問六也

生辰正旦使使七也歲輸銀絹二十五萬疋兩分南

宋歲賜之半八也割遼東長春兩路九也送還女直

趙三阿鶻產大王十也

契丹志

天祚付東北面大臣議

遂遣使備衮冕之服册爲東懷國皇帝國主召朴等
觀驗以儀物不純用天子之制大怒欲斬其使諸將
爲謝乃解尋遣還邀令稱大金皇帝兄不然則提兵
取上京矣

大金國志

贊謨至遼見遼人再撰册文復不盡

如本國旨意欲見遼主自陳闕者止之贊謨不願直
入闕者相與搏搯折其信牌遼人懼遽遣贊謨歸太
祖再遣贊謨如遼遼人前後十三遣使和議終不可
成太祖自將遂克臨潢其後伐宋思忠從宗翰封劉
豫爲齊帝思忠爲傳宣使俄授穆昆從宗弼克和尙

原還爲同知西京留守事天眷初改蒲州防禦使元帥府在陝西者其官屬往往豪壓貧民爲奴起遣工匠千人東來至河上思忠留止其人以聞詔皆還之爲尙書左丞是時贊謨爲行臺參知政事思忠黷貨無厭贊謨鄙之兩人由是交惡海陵殺左丞相秉德於行臺贊謨妻秉德乳母也思忠因搆贊謨殺之是歲思忠爲尙書右丞俄進平章政事封郃國公進拜左丞相兼侍中封沂國公貞元元年

史作天德依詳校本改致

仕二年十月海陵率三品以上官幸思忠第使以家人禮見謂思忠曰卿神氣康實習先朝舊事舍卿無

能知者當爲朕起共治國政對曰君之命臣敢不敬
從但恨老病疎謬無以塞責耳遂命思忠乘馬從入
宮拜太傅領三省事封齊國王尋拜太師兼勸農事
已而罷中書門下省不置領三省事置尙書令位丞
相上思忠爲尙書令置散從八人聽隨至宮省奏對
賜坐海陵欲定封爵制度風思忠建白封王者皆降
封異姓或封公或一品二品階惟思忠封廣平郡王
賜以玉帶思忠言百官不當封妻海陵從之惟封思
忠次室爲郡夫人而思忠亦自謂太祖舊臣頗自任
雖海陵遂非拒諫而思忠盡言無所避將伐宋問諸

大臣皆不敢對思忠曰不可海陵不悅謂曰汝勿論
可否但云何時克之思忠曰以十年爲期海陵曰何
久也替月耳思忠曰太祖伐遼猶且數年今百姓愁
怨師出無名江淮間暑熱湫溼不堪久居未能以歲
月期也海陵怒顧左右若欲取兵及者思忠無所畏
恐復曰老臣歷事四朝位至公相苟有補於國家死
亦何憾有頃海陵曰自古帝王混一天下然後可爲
正統爾遽夫固不知此汝子伊德原作議書可往問
之思忠曰臣昔見太祖取天下此時豈有文字耶臣
年垂七十更事多矣彼乳臭子安足問哉海陵既不

用思忠言運四方甲仗於中都思忠曰州郡無兵何以備盜賊海陵盡籍丁壯爲兵思忠曰山後契丹諸部恐未可盡起皆不聽其後州郡盜起守令不能制

契丹薩巴

原作撒入

斡罕

原作窩斡

果反期年乃克之當是時

海陵伐宋祁宰諫而死張浩進言被杖思忠見疎孔彥舟畫策先取江淮他無及者正隆六年思忠薨年

七十三海陵深悼惜之親臨奠賻贈加等賜金螭頭

車使者監護給道路費

金史本傳

子伊德累官御史中丞

伊德

姪烏達

原作兀帶

天會間充女直字學生學問通達

觀書史工爲詩選爲尙書省令史累官同知大興尹

京師盜賊止息事無留滯再遷刑部尙書改定海軍
節度使除兵部尙書改吏部正隆伐宋爲定武軍都
總管世宗卽位遣使召之授咸平尹爲北邊行軍都
統改會甯尹都統如故是時初定幹罕人心未安烏
達爲治寬簡多備禦謹斥候邊郡以甯改北京留守
以廉察舉烏達所在有能名無私過入拜參知政事
薨年四十七賻銀千兩重綵四十端絹四百疋敕有
司致祭久之上謂侍臣曰故參知政事烏達爲人忠
直後進中有能及之者朕樂得忠直之人有如烏達
輩者乎卿等爲朕舉之其見思如此

烏達本傳大定十二

年上謂宰臣曰贊謨忠實剛毅雖古人無以過與思

忠有隙遂勸海陵殺之

金史本傳

死非其罪

希尹傳

詔復烏

凌阿贊謨官爵贈特進

金史本傳

白彥敬本名約索

原作遙設

博勒和

原作盧火

部族人初名

彥恭避睿宗諱改焉祖額布根

原作僕根

父阿蘇

原作阿斯

仕遼爲率府率彥敬善騎射起家爲吏補元帥府令

史伐宋爲錢帛司都管勾立三省選爲尙書省令史

除都元帥府知事招諭諸部授以金牌行數千里有

功超遷兵部郎中熙宗罷統軍司改招討司遣彥敬

分僚屬收牌印諭諸部隸招討司還爲本部侍郎遷

大理卿出爲通州防禦使改刑部侍郎怨家告誣開

府慎思與西北路部族謀叛彥敬鞫得其實海陵嘉

之遷樞密院事以便宜措置邊防正隆六年調諸路

兵伐宋及調民馬使彥敬主會甯扶餘原作蒲與呼爾哈

原作活羅海三路事改吏部尙書充南征萬戶遷樞密副

使金史本傳契丹薩巴原作撒八反屢討無功宏簡錄以彥敬爲

北面行營都統與副統赫舍哩原作紇石烈志甯以便宜

往賜御服皮襖行至北京聞南征諸軍逃歸者皆奔

東京欲推戴世宗彥敬與志甯謀陰結會甯尹完顏

富色里原作蒲速賚利涉軍節度使通吉義以圖之世宗

已卽位使舒穆魯

原作石抹

伊德

原作乙迭

移喇赫伯

原作刺痕孛

等九人招彥敬志甯彥敬拒之使伊德跪不屈皆殺

之及完顏默音

原作謀衍

將兵攻北京彥敬使偏將率兵

拒於建州之境而通吉義先歸世宗富色哩稱疾不

至世宗密遣人乘夜揭榜於北京搆以官賞彥敬志

甯恐爲人圖已遂降

金史本傳

世宗問曰正隆暴虐人望

旣絕朕以太祖之孫卽大位汝殺我使者又不能爲

正隆死節恐爲人所圖然後來降朕今殺汝將何辭

彥敬未有以對志甯前奏曰臣等受正隆厚恩所以

不降罪當萬死上曰汝輩初心亦可謂忠於所事自

今事朕宜勉忠節

志霄傳

遂釋弗殺

本紀

以爲哈斯罕

原作

長燕館

節度使不數月召爲御史大夫幹罕

原作

僭帝

號諸軍馬疲弱遣彥敬往西北路招討司市馬得六

千餘匹幹罕敗西走山後完顏思敬以新馬三千備

追襲彥敬屯於夏國兩界閒幹罕平召爲兵部尙書

出爲鳳翔尹改太原尹兼河北東路兵馬總管尋改

河中尹大定九年卒官

金史本傳

烏雅富埒赫

原作烏延蒲崗黑

率賓

原作速頻

路卓多

原作哲特

明安

人改屬海蘭

原作合懶

路祖色埒

原作思列

預平烏春烏木罕

原作窩謀罕

之亂及伐遼宋皆有功追授明安贈銀青光

祿大夫父古頁

原作國也

襲明安富埒赫從太祖伐遼勇

聞軍中天眷三年襲明安授寧遠大將軍累官武甯

軍節度使遷京兆尹海陵伐宋行武威軍都總管軍

還爲順義軍節度使圖克坦喀齊喀

原作合喜

定秦隴富

埒赫將完顏實納埒

原作泥烈習

延扎們都

原作蓋門都

兵救

德順州改延安平涼尹致仕封任國公大定十九年

卒

金史本傳

烏雅普霞努

原作滿蕭奴烏延

率賓

原作速頻

路錫馨

原作星顯

河人

也後改隸海蘭

原作合懶

路父呼實罕

原作撒渾忽

天輔初追

授明安親管穆昆普霞努身長有力多智略襲其父

明安穆昆階甯遠大將軍天德二年授陳州防禦使
以善撫綏再任海陵南征改歸德尹爲神策軍都總
管當屯濟州比至山東盜已據其城普霞努領十餘
騎往覘之忽爲其眾所圍乃與軍士皆下馬立而射
之殺百餘人賊眾敗走迤邐襲之至暮而還明日攻
破其城號令士卒毋害居民郡中獲安民感其惠爲
立祠以致祭大定二年爲慶陽尹金史本傳以救德順卒
於軍年六十一贈銀青光祿大夫宏簡錄子扎拉金史本傳
烏雅扎拉原作烏延查刺普霞努子也金史本傳力兼數人勇果
無敵左右手持兩大鐵筒皆重數十斤號鐵筒萬戶

正隆六年契丹瓜里

原作括里

陷韓州圍信州遠近震駭

時因伐宋州縣無備扎拉道出咸平率本部兵亟還

信州與戰敗之已而賊復整兵環攻且登其城扎拉

下巨木壓之殺賊甚眾瓜里乃解去追及於韓州東

八里許身率銳士揮鐵簡左右擊之無不僵仆賊方

就平野爲陣不能成列遂大敗遁走東京咸平隆州

民復帖然

宏簡錄

世宗卽位扎拉謁見充護衛爲驍騎

副都指揮使領萬戶擊幹罕

原作窩幹

戰於和托

原作花道大

軍未集托拉在左翼領六百騎與賊戰殺三千餘人

宗敘

史作宗亨依詳校本改

富察

原作蒲察

世傑七穆昆戰不利世

傑走扎拉軍賊合圍攻之扎拉圍拒而戰宗亨來援

賊乃退西過諾爾嶺

原作
梟嶺

追及於陷泉賊先犯右翼

扎拉迎擊之賊退走幹罕募人刺之僞護衛阿卜薩

原作阿

身長有力

金史
本傳

奮大刀自後來斫扎拉回廟

擊以簡背折阿卜薩右臂

宏簡
錄

與赫舍哩

原作紇
石烈

志

甯軍合擊賊遂大敗幹罕平以爲宿直將軍賜銀三

百兩重綵二十端丁父憂以本官起服襲其父明安

除蔡州防禦使改宿州遷昌武軍節度使徙鎮邠州

爲賀宋歲元使射淮上柳樹矢入其樹飲羽宋人素

聞其名甚異之

金史
本傳

由是以神射名天下

中州集
詩註改

鳳翔尹入爲右副點檢出爲興中尹改博索

原作路婆速

總管高麗憚其威名凡以事至博索路者望見而跪

之二十五年爲興平軍節度使卒官扎拉貞慤寡言

平居極和易及臨戰奮勇見者無不辟易雖重圍萬

眾出入若無人之境云

金史本傳

富察鄂倫

原作蒲察幹論

上京伊蘇

原作益速

河人徙臨潢祖歡

托和

原作忽土華

父穆遜

原作馬孫

俱贈金紫光祿大夫鄂倫

剛毅有技能天輔初以功臣子充護衛遷左衛將軍

定武軍節度使召爲右副點檢天德初授世襲臨潢

府路赫魯錫蘭

原作呂斜葛

明安改東平尹賜錢千萬累

除河南尹海陵伐宋以本官爲右領軍都監大定二

年仍爲河南尹兼河南路統軍使宋以萬人據壽安

縣嵩州刺史舒穆魯圖喇

原作石抹突刺紀
作舒穆魯珠德勒

押軍萬

戶圖克坦薩布以巡兵三百遇於縣東請師於鄂倫

鄂倫使明安完顏呼沙呼

原作忽沙渾

率七百人助之宋

兵多圖喇使士卒下馬跪而射之宋兵不能當走入

縣城圖喇進逼之宋人棄城去追及於鐵索口復大

敗之

金史本傳

二月丙辰

世宗紀

遂復壽安改北京留守大

定尹卒官

金史本傳

瓜爾佳呼喇上京桑阿

原作宋葛

屯明安人初在左副元

帥達蘭

原作
掛懶

帳下以功授武德將軍襲其父穆昆正

隆末山東盜起呼喇爲行軍明安討賊遇賊千五百人於徐州南敗之山東路統軍司選諸軍八百人作十穆昆呼喇將之與驍騎軍皆隸點檢司行至淮南海陵遣以騎兵三百二十往揚州敗宋兵於宣化鎮布薩忠義伐宋呼喇領萬戶由泗州進戰遇敵於宿州歿於陣贈鎮國上將軍

金史
本傳

瓜爾佳扎拉

原作夾
古查刺

隆州寶霞庫

原作失
撒古

河人父寶

訥官工部尙書

實訥傳作納
爾渾河人

自有傳

三字依詳
校本增

扎拉

狀貌魁偉善女直契丹書天德初以功臣子充護衛

二年授武義將軍未幾擢符寶郎凡再考出爲灤州

刺史改知平定軍事海陵南征爲武威軍副都總管

軍還大定二年改授景州刺史遷同知京兆尹

金史本傳

議破吳璘語在合喜們都傳德順既下

宏簡錄

入爲殿

前右衛將軍襲父明安改左衛將軍遷右副點檢有

疾丞相良弼視之謂所親曰此人國器也他人有疾

吾未嘗往焉九年出爲東北路招討使兼德昌軍節

度使仍賜金帶到官治有勤績邊境以安其斷獄公

平道不捨遺遷臨潢尹兼本路兵馬都總管蕃部畏

服改西北路招討使上遣使宣諭曰今諸部初附命

汝撫綏當使治聲達於朕聽十二年卒扎拉性忠實
內明敏每論大事超越倫輩太師勛嘗曰扎拉不學
而知方之古人如此才鮮矣

金史
本傳

吉林通志卷八十二

人物志十一 金十

內族襄

完顏安國

圖克坦鎰

鄂屯襄

瓜爾佳錫爾格

完顏阿里巴斯

完顏特爾格

納塔謀嘉

赫舍哩

富察思忠

呼寶默

瓜爾佳實倫

內族襄

本傳作丞相襄
依詳校本改

本名安

原作

昭祖五世孫也

祖實古納

原作習
古迺

上京世襲明安

金史

自有傳

薩哈
本傳

襄幼有志節善騎射多勇略年十八襲爵大定初以

本部兵從默音

原作謀行

討契丹幹罕

原作窩幹

戰於肇州之

長梁襄先登鏖擊七戰皆勝足中流矢襄創而鬪奮

氣愈厲默音握其手曰今日之捷皆公力也賊走霧

鬆河追及之所駐地多草賊乘風縱火襄立空地以

埃戰千餘合賊益困襄勸默音今不乘此殄滅後將

有悔默音不從已乃復從布薩

原作僕散

忠義追賊至陷

泉率左翼

傳作右翼仗詳校本改

身先奮擊賊大潰人馬相蹂

而死陷泉幾平論功第一

去簡錄

有司擬淄州刺史詔

特授亳州防禦使時年二十三宋人犯南都襄爲

壽都統率甲士二千人渡潁水敗敵兵五千復潁州
擒宋帥楊思次濠州宋將郭太尉退保橫澗山襄攻
之伏弩射中其膝督攻愈急拔之獲郭太尉既而趨
滁州襄爲先鋒將至清流闕得宋偵者知敵欲三道
夜出掩我不備左副元帥赫舍哩

原作紇
石烈

志宵問計

襄曰今兵少地隘儻不得闕敵至我無所據必先取
之曰我與若孰往襄曰元帥國家大臣詎宜輕動襄
當爲公往取志宵躡之襄率騎二千分二道一出衝
路自以千兵間道潛登既近敵始覺襄攻克之據其
關志宵履行戰地願謂曰克敵於不可勝之地真天

下英傑也及宋乞盟班師召爲拱衛直都指揮使改

殿前右衛將軍轉左衛出爲東北路招討都監遷率

賓

原作速頻

路節度使移海蘭

原作曷懶

路兵馬都總管

金史本傳

會志窗疾甚世宗臨問薦襄智勇兼濟有經世才他人莫及異時任用殆勝於臣卽召授殿前左副都點

檢

宏簡錄

爲宋生日使宋方祈免親接國書襄至宋人

屢來議皆折之迄成禮而還授陝西路統軍使賜之

尙服履馬鞍勒佩刀改河南統軍使入爲吏部尙書

轉都點檢賜錢千萬世宗謂宰執曰襄爲人甚蘊藉

非直日亦入宮規畫諸事事有所付乃退其公勤如

此若襄之才豈多得哉擢御史大夫踰月拜尙書右丞論之曰卿在河南經制邊事甚有統紀及在吏部至爲點檢尤奉公守法朕甚嘉之近長憲臺亦以剛直聞是以委以機政史作政機依詳校本移改其益勉之未幾進拜左丞襄在外任治有異效至是朝廷以褒賞廉吏詔天下列其名以示獎勵二十三年進拜平章政事封蕭國公世宗以金源郡王世嫡皇孫將加王爵詔擇國號襄曰爲天下大計必先正其本原者本也請封原從之故事諸部族節度使及其僚屬多用乳人而頗有私縱不法者議改用諸色人襄曰北邊雖無

事恆須經略之若杜此門其後有勞績何以處之請
如舊他日議及古有監軍之事襄曰漢唐初無監軍
將得專任故戰必勝攻必克及叔世始以內臣監其
軍動爲所制故多敗而少功若將得其人監軍誠不
必置並嘉納之詔受北部進貢使還世宗問邊事具
圖以進因上羈縻屬部鎮服達實原作大石之策詔悉行
之進右丞相徙封戴世宗不豫與圖克坦原作徒單克賓
平章政事張汝霖宿內殿同受顧命章宗初卽政議
罷僧道奴婢太尉克甯奏曰此蓋成俗日久若遽更
之於人情不安陛下如惡其數多宜嚴立格法以防

濫度則自少矣襄曰出家之人安用僕隸乞不問從

初如何所得悉放爲良若寺觀物力元係奴婢之數

推定者並合除免詔從襄言

金史本傳

初遂以良民爲二

稅戶輸稅於寺歲久皆以爲奴至是盡釋爲良

李晏傳

凡一千七百餘戶萬三千九百餘口

食貨志

明昌元年

同知棣州防禦使膏上封事歷詆宰執太傅克甯奏

膏所言襄預知之於是詔膏還本明安而襄出知平

陽府事移知鳳翔歷西京留守召授同判大睦親府

事進樞密使復拜右丞相改封任

金史本傳

屬邊事急命

代清臣將佩金牌便宜從事臨宴慰遣賜以安山細

鎧及戰馬二

宏簡錄

時呼必

原作胡正

乂亦叛嘯聚北京臨

潢之間襄至遣人招之卽降遂屯臨潢頃之出師大

鹽深復遣右衛將軍完顏充進軍烏魯斯

原作幹魯速

城

欲屯守俟隙進兵繪圖以陳議者異同卽召而論厚

賜遣還未幾密詔進討乃命支軍出東道襄由西道

而東軍至龍駒河爲準布

原作阻

所圍三日不得出求

援甚急或請俟諸軍集乃發襄曰我軍被圍數日馳

救之猶恐不及豈可後時卽鳴鼓夜發或請先遣人

報圍中使知援至襄曰所遣者倘爲敵得使知我兵

寡而報在後則吾事敗矣乃益疾馳明距敵近眾

請少憩襄曰吾所以乘夜疾馳者欲掩其不備爾緩

則不及嚮晨歷敵突擊之圍中將士亦鼓噪出大戰

獲輿帳牛羊眾皆奔斡勒嘉

原作斡
里札

河遣完顏安國

追躡之眾散走會大雨凍死者十八九降其部長送

勒勤九峰石壁捷聞上遣使厚賜以勞之別詔許便

宜賞資士卒九月赴闕拜左丞相監修國史封常山

郡王宴慶和殿上親舉酒飲解所服玉具

史作貝依
詳校本改

佩刀以賜俾卽服之十月準布復叛襄出屯北京會

羣牧使契丹德壽

大金志
作得壽

圖卜蘇

原作
隨鎖

等據信州叛

偽建元曰身聖

金史
本傳

以毛尾爲大帥主

大金
國志

眾號數

十萬遠近震駭襄閑暇如平日人心乃安初襄之出鎮也至石門鎮密謂僚屬曰北部犯塞奚足慮第恐奸人乘隙而動北京近地軍少當預爲之備卽遣官發上京等軍六千至是果得其用臨潢總管烏庫哩

原作烏古論

道遠咸平總管富察

原作蒲察

守純分道進討擒

德壽等送京師契丹之亂廷臣議罷郊祀又欲改用正月上辛上遣使問之對曰郊爲重禮且先期詔天下又藩國已報表賀今若中罷何以副四方傾望之意若改用正月上辛乃祈穀之禮非郊見上帝之本意也大禮不可輕廢請決行之臣乞於祀前減賦旣

而賊破果如所料郊疆成進封南陽郡王始討契丹
自龍虎衛上將軍節度使以下許承制授之襄以爲
賞罰之柄非人臣所預不敢奉詔賊平請委近臣諭
旨將士使知上恩乃遣李仁惠持宣三十敕百五十
視功給之方德壽之叛諸虜亦剽略爲民患襄慮其
與之合乃移諸虜居之近京地撫慰之或曰虜人與
北俗無異今置內地或生變奈何襄笑曰虜雖雜類
亦我之邊民若撫以恩焉能無感我在此必不敢動
後果無患尋詔參知政事裔代領其軍入見賜錢五
千萬以內艱免

傳文上有明年二
字依詳校本削

翼日起復視事時

議以契丹戶之驅奴尙眾乞盡鬻以散其黨襄以爲
非便奏請量存口數餘悉官贖爲良上納之北部復
叛裔戰失律復命襄爲左副元師莅師尋拜樞密使
兼平章政事屯北京民方艱食乃減價出糶倉粟以
濟之或以兵食方闕爲言襄曰烏有民足而兵不足
者卒行之民皆悅服時議北討襄奏遣同判大睦親
府事宗浩出軍秦州又請左丞衡於撫州行樞密院
出軍西北路以邀準布而自帥兵出臨潢上從其策
賜內庫物卽軍中用之其後色徹原作斜出部族詣撫州
降上專使問襄襄以爲受之便賜寶劍詔度宜躬討

乃令士自齎糧以省輓運進屯於默音塔里

原作河
移刺烈

額穆爾蘇

原作烏
滿塔

等山以逼之請就用步卒穿濠鑿

障起臨潢左界北京路以爲阻塞言者多異同詔問
方略襄曰今茲之費雖百萬貫然功一成則邊防固
而戍兵可減半歲省三百萬貫且寬民轉輸之力實
爲永利詔可襄親督視之軍民並役又募饑民以備
卽事五旬而畢於是西北西南路亦治塞如所請無
何泰州軍與敵接戰宗浩督其後殺獲過半諸部相
率送款襄納之自是北陲遂定襄遣臨潢減屯兵四
萬馬二萬匹上以信符召遣遣近臣迎勞於途旣至

復撫問於第入獻邊機十事皆爲施行仍厚賜之復拜左丞相初襄至自軍上諭宰臣曰樞密使襄築立邊堡完固古來立一城一邑尙有賞賚卽欲拜三公

三公非賞功官如左丞相亦非賞功者雖然可特授

之遣左司郎中珠勒根阿哈

原作阿勒根阿海

降詔褒諭四

年正月進拜司空領左丞相如故襄重厚寡言務以

鎮靜守法每掾有所稟必問曰諸相云何掾對某相

如是某相如是襄曰從某議其事無有異者識者謂

襄誠得相體時上頗更定制度初置提刑司又議設

清閑職位如宋朝宮觀使以待年高致仕之官襄言

年老致仕朝廷養以俸廩恩禮至渥老不爲退復有
省會之法所以抑貪冒長廉節若擬別設恐涉於濫
又言省事不如省官今提刑官更多無益於治徒亂
有司事議者以謂斯乃外臺不宜罷臣恐混淆之辭
徒煩聖聽且憲臺所掌者察官吏非違正下民冤枉
亦無提點刑獄舉薦之權若已設難以遽更其採訪
廉能不宜隸本司宜令監察御史歲終體究仍不時
選官廉訪上皆聽納時方旱襄及平章政事張萬公
參政布薩揆等上表待罪金史本傳上曰卿等何罪殆朕
所行有不逮者萬公進曰天道雖遠實與人事相通

唯聖人言行可以動天地昔成湯引六事自責周宣
遇災而懼側身修行莫不修飭人事方今宜崇節儉
不急之務無名之費可俱罷去上曰災異不可專言

天道必先盡人事耳故孟子謂王無罪歲左丞相守

貞曰陛下引咎自責社稷之福也上由是以萬公所

言

張萬公傳

召翰林學士黨懷英草罪已詔而諭襄等視

事泰和元年春承命馳禱於亳州太清宮及后土方

嶽

金史本傳

既而止之

師兒傳

以其世封遠特改授河間府

算卓和

原作算術海

明安明年皇子生襄復自請報謝既

祀嵩嶽還次芝田之府店遂以疾薨年六十三訃聞

輟朝遣使祭於路葬禮依太師潘王克甯諡曰武昭
命張行簡銘其碑襄明敏才武過人上親待之厚故
所至有功其駐軍臨潢也有以僞書遺西京留守圖
克坦鎰欲搆以罪書聞上以書還畀襄其明信如此
旣而果獲爲僞書者在政府二十年明練故事簡重
能斷器局尤寬大待掾吏盡禮用人各得所長爲當
世名將相大安間配享章宗廟廷

金史本傳初襄有田在

肇州應奉翰林文字納喇呼喇勒

原作納蘭胡魯喇被詔括

牛於臨潢上京等路襄家奴匿牛不以實聞呼喇勒
卽械繫正其罪而盡括之於是豪民皆懼無敢匿者

呼喇勒使還襄稱其能

呼喇勒傳

其得相體

金史本傳

有古人

之風焉

贊傳

完顏安國字正臣本名棟摩

原作開母

其先占籍上京世

有戰功祖錫伯

原作斜婆

授西南路世襲哈濟

原作合札

穆昆

金史本傳

安國沈雅

沈原作雄

有謀畫尤善騎射正隆元年從

軍常以少羣眾大定中爲常山簿轉虹縣令選充虞

王府掾再選虞王局副使明昌元年改本局使

玄簡錄

會達實

原作大石

部長有乞修歲貢者朝廷許其請詔安

國往使之至則率眾遠迓望闕羅拜執禮無情容時

北準布

原作阻撲

迫近塞垣隣部欲立功以誇雄上國議

遣安國俱行討之安國以未奉詔爲辭強之不可或以危言怵之安國曰大丈夫豈以生死易節暴骨邊庭不猶愈於病死牖下眾壯其言餽贈如禮既遣以奉使稱旨升武衛軍都指揮使出爲東北路副招討未赴改西北路副招討六年左丞相瓜爾佳原作夾谷清臣出兵以安國爲先鋒都統適臨潢泰州屬部叛安國先討定之以功遷本部招討使兼威遠軍節度使承安元年大鹽澤之戰殺獲甚眾詔賜金幣旣而右丞相襄統大軍進安國爲兩路都統大捷於多泉子襄遣安國追敵僉言糧道不給不可行也安國曰人

得一羊可食十餘日不如驅羊以襲之便途從其計

安國統所部萬人疾驅以薄之降其部長捷聞進官

四級遷左翼都統二年以營邊堡功召簽樞密院事

賜虎符巡

史作還俊
詳校本改

邊得以便宜從事時並塞諸部

降諭輸貢如初進拜樞密副使泰和元年授世襲西

南路延晏河明安兼哈濟穆昆帝幸慶宮命安國

嚴飭邊備奏西南路邊戍私竄者乞招誘以安人心

上是其言三年以疾致仕封道國公

金史
本傳

安國在軍

旅幾十五年號令嚴明指揮卒伍如左右手又善伺

知敵人虛實及山川險易戰必身先士卒故所向輒

克宏簡諸部入貢安國能一一呼其祖先弟姪名字

以戒諭之諸部皆震悚甚爲鄰國所畏服四年起服

前職卒上聞之輟朝敕有司葬以執政禮贈特進金史

本傳

圖克坦原作徒單鎰本名安春原作按出上京路蘇蘇原作速速保

子明安人金史本傳北京副留守烏尼音原作烏輦之子七歲

穎悟絕倫習女直字大定五年詔翰林侍講學士圖

克坦子溫以女直字譯貞觀政要白氏策林史記西

漢等書頒行四方選諸路學生三十餘人教以古書

鎰在選中最號精詣兼通契丹大小字及漢字該習

經史

宏簡錄

久之樞密使完顏思敬請教女直人舉進

士下尚書省議奏初立女直進士科且免鄉府兩試其禮部試廷試止對策一道限五百字以上待成日在都設國子學諸路設府學並以新進士充教授士民子弟願學者聽歲久學者當自眾卽同漢人進士三年一試從之九年八月詔策女直進士問以求賢爲治之道侍御兒完顏佛窳原作蕭掣太常博士李旻應翰林文字阿布哈原作阿不罕德甫伊喇原作移刺傑中都路轉運使奚隋考試鎡等二十七人及第鎡授兩官餘授一官上三人爲中都路教授四名以下除各路教

授金史本傳十五年詔譯諸經選鎰爲國子助教宏簡錄左

丞相赫舍哩原作范石烈良弼嘗到學中與鎰談論深加

禮敬丁母憂起服國史院編修世宗嘗問太尉完顏

守道曰圖克坦鎰何如人也守道對曰有材力可任

政事上曰然當以劇任處之又曰鎰容止溫雅其心

平易久之兼修起居注累遷翰林待制兼右司員外

郎獻漢光武中興賦世宗大悅曰不設此科安得此

人章宗卽位遷左諫議大夫兼吏部侍郎明昌元年

爲御史中丞無何拜參知政事兼修國史章宗銳意

於治平傳原文句在人生有欲下依詳校本移正嘗論宰臣何以使民棄

末務本

二語依本紀增入

蓋言人生有欲不限以制則侈心

無極今承平日久當慎行此道以爲經久之治鑑因
上書其略曰臣竊觀唐虞之書其臣之進言於君曰
戒哉懋哉曰吁曰都旣陳其戒復導其美君子爲治
也必曰稽於眾舍己從人旣能聽之又能行之又從
而興起之君臣上下之間相與如此陛下繼興隆之
運撫太平之基誠宜稽古崇德留意於此無因物以
好惡喜怒無以好惡喜怒輕忽小善不卹人言夫上
下之情有通塞天地之運有否泰唐陸贄嘗陳隔塞
之九弊上有其六下有其三陛下能慎其六爲臣子

者敢不慎其三哉上下之情既通則大綱舉而羣目張矣進尙書右丞修史如故三年罷爲橫海軍節度使改宣武軍節度使知平陽府事先是鄭王永瑨判定武軍鎬王永中判平陽府相繼得罪連引者眾上疑有黨故命鎰節度定武繼又知平陽焉改西京留守承安三年改上京留守五年上問宰臣圖克坦鎰與宗浩孰優平章政事張萬公對曰皆才能之士鎰似優者鎰有執守宗浩多數耳上曰何謂多數萬公曰微似趨合上曰卿言是也頃之拜鎰平章政事封濟國公上以烈風昏瞠連日詔問變異之由時元妃

傳作淑妃依

詳校本改

李氏擅寵兄弟橫恣朝臣往往出入其

門鑑上疏略曰仁義禮智信謂之五常父義母慈兄
友弟敬子孝謂之五德今五常不立五德不興搢紳
學古之士棄禮義忘廉恥細民違道畔義迷不知返
背毀天常骨肉相殘動傷和氣此非一朝一夕之故
也今宜正薄俗順人心父父子子夫夫婦婦各得其
道然後和氣普洽福祿薦臻矣因論爲政之術其急
有二一曰正臣下之心竊見羣下不明禮義趨利者
眾何以責小民之從化哉其用人也德器爲上才美
爲下兼之者待以不次才下行美者次之雖有才能

德行無取抑而下之則臣下之趨向正矣其二曰導
學者之志教化之行興於學校今學者失其本真經
史雅奧委而不習藻飾虛詞鈞取祿利乞令取士兼
問經史故實使學者皆守經學不惑於近習之靡則
善矣又曰凡天下之事叢來者非一端形似者非一
體法制不能盡隱於近似乃生異論孔子曰義者天
下之斷也記曰義爲斷之節伏望陛下臨制萬機事
有異議少疑聖慮尋繹其端則裁斷有定而疑可辨
矣鎡言皆切時弊上雖納其說而不能行上問漢高
帝光武優劣張萬公對曰高祖優甚鎡曰光武再造

漢業在位三十年無沈湎冒色之事高祖惑戚姬卒
至於亂由是言之光武優上默然鑑蓋以元妃李氏
隆寵過盛故微諫云泰和四年罷知咸平府五年改
南京留守六年徙知河中府兼陝西安撫使布薩揆
行省河南陝西元帥府雖受揆節制實韻方面上思
用謀臣制之由是升宣撫使一品改鑑知京兆府事
充宣撫使陝西元帥府並受節制詔曰將帥雖武悍
久歷行陣而宋人狡獪亦資勝算卿之智略朕所深
悉且股肱舊臣故有此寄宜以長策御敵勵兵撫民
稱朕意焉鎡言初置急遞鋪本爲轉送文牒今一切

乘驛非便上深然之始置提控急遞鋪官

自中都至益都府七

十五字依詳校本削

自此郵達無復滯焉七年吳曦死宋安丙

分兵出秦隴閒十月詔鎰出兵金房以分掣宋人梁

益漢沔兵勢鎰遣行軍都統沃呀伊囉幹

原作幹勒葉祿瓦

副統巴噶罕

原作把回海

完顏果囉

原作搠刺

引步騎五千出

商州十一月伊囉幹拔鶻嶺關果囉別將攻破燕子

關新道口巴噶罕取小湖關敖倉至營口鎮破宋兵

千餘人追至上津縣斬首八百餘級取上津縣伊囉

幹破宋兵二千於平溪將趨金州宋王柎以書乞和

詔鎰召伊囉幹軍退守鶻嶺關八年春宋安丙遣景

統領由梅子溪新道口朱沙谷襲鶻嶺關巴噶罕果
囉擊走之斬景統領於陣是歲罷兵鎰還特進賜賚
有差改知真定府事大安初加儀同三司封濮國公
改東京留守過闕入見衛紹王謂鎰曰卿兩朝舊德
欲用卿爲相太尉匡卿之門人不可屈卿下之遷開
府儀同三司佩金符充遼東安撫使三年改上京留
守中都事亟選兵二萬入衛朝廷嘉之徵拜尙書右
丞相監修國史鎰言自用兵以來彼聚而行我散而
守以聚攻散其敗必然不若入保大城併力備禦目
桓撫三州素號富實

傳作貴依
詳校本改

人皆勇健可以內徙

益我兵勢人畜貨財不至亡失平章政事移喇

按氏下脫

其名參知政事梁瑄曰如此是自蹙境土也衛紹王以

責鎰鎰復奏曰遼東國家根本距中都數千里萬一

受兵州府願望必須報可誤事多矣可遣大臣行省

以鎮之衛紹王不悅曰無故置行省徒搖人心耳其

後失昌撫桓三州乃大悔曰從丞相之言當不至此

頃之東京不守

金史本傳

鎰墜馬傷足在告聞呼沙呼

原作

胡沙 難作命駕將入省或告軍士守省府相幕皆不

可入乃復還第呼沙呼意方猶豫不能自定亟從人

望詣鎰問疾

宏簡錄

鎰謂之曰翼王章宗之兄顯宗長

子眾望所屬元帥決策立之萬世之功也呼沙呼默
然而去乃迎宣宗於彰德呼沙呼既殺圖克坦南平
欲執其弟知真定府事銘鎰說之曰車駕道出真定
鎰王家在威州河北人心易搖銘有變朝廷危矣不
如與之金牌奉迎車駕銘必感元帥之恩呼沙呼從
之至宿貞祐之際轉敗爲功惟鎰是賴焉宣宗卽位
進拜左丞相封廣平郡王授中都路德勒圖原作迭魯都
世襲明安富爾錦原作蒲魯吉必喇原作必喇穆昆鎰尙有足
疾詔侍朝無拜明年鎰建議和親言事者請罷按察
司鎰曰今郡縣多殘毀正須賴之撫集不可罷遂止

宣宗將幸南京益曰鑾輅一動北路皆不守矣今已
講和聚兵積粟固守京師策之上也南京四面受兵
遼東根本之地依山負海其險足恃備禦一面以爲
後圖策之次也不從是歲薨詔賻贈從優厚益明敏
方正學問該貫一時名士皆出其門多至卿相嘗歎
文士委頓雖巧拙不同要以仁義道德爲本乃著學
之急道之要二篇太學諸生刻之於石有宏道集六
卷金史本傳當呼沙呼之難益拱揖一語而宣宗立厥功
懋矣君子之言其利溥哉贊傳

鄂屯

原作與屯

襄本名添壽上京路人大定十年襲明安

丞相襲舉通練邊事授崇義軍節度副使改烏庫哩

原作烏古論 以詳袞召爲都水少監石州刺史未幾爲平

南邊江將軍以功授壽州防禦使遷河南路副統軍

兼同知歸德府事昌武軍節度使仍兼副統軍崇慶

改元爲元帥左都監救西京至墨谷口一軍盡殲襄

僅以身免坐是除名明年授上京兵馬使宣宗卽位

擢遼東路宣撫使未幾改率賓原作速頻路節度使同知

上京留守事二年二月爲元帥右都監行元帥府事

於北京五月改留守兼前職俄遷宣撫使兼留守金史

本傳與遼東路宣撫史布希萬努原作蒲鮮萬奴宣差富察烏

錦

原作蒲察五斤

不協詔諭曰上京遼東皆國家重地以卿

等累效忠勤故委之腹心意其協力盡公以徇國家

之急及詳來奏乃大不然自今每事同心併力備禦

尙懲前過以圖後功明年正月萬努果反

宏簡錄

取咸

平東京瀋澄諸州及明安穆昆人亦多從之

和勒端傳襄

遂爲宣差提控完顏錫林

原作習烈

所害未幾錫林復爲

其下所殺詔曲赦北京

金史本傳

瓜爾佳錫爾格

原作夾谷石里哥

上京路明安人明昌五年

進士泰州防禦判官補尙書省令史歷臨潢博索

原作

速路都總管判官累除刑部主事改薊州副提控駐

軍大名俄遷翰林待制爲宿州提控與山東宣撫完

顏弼攻大沫堦賊眾千餘逆戰錫爾格以騎兵擊之

盡殪提控馱堦

原作沒烈

入自北門擒劉二祖以功遷武

衛軍副都指揮使坐前在宿州掠良人爲生口當死

特詔決杖八十徙洺州防禦使山東路副統軍復坐

不時進兵解職起爲東平軍提控興定元年破宋兵

於宿州以功遷授安化軍節度使移定海軍卒

金史本傳

完顏阿里巴斯

原作阿里不孫

字彥成海蘭

原作曷懶

路特克新

必喇

原作申必喇

明安人明昌五年進士調易州忻州軍

事判官安豐縣令補尙書省令史除興平軍節度副

使應奉翰林文字轉修撰充元帥左監軍赫舍哩原作

乾石烈 執中經歷官大安初改戶部員外郎鈞州刺史

執中行樞密院於西京復以爲經歷官改咸州刺史

貞祐初累遷國子祭酒歷越王濶王傅政同知平陽

府事兼本路宣撫使召爲兵部侍郎遷翰林院侍講

學士改陝西路宣撫使遷元帥左都監改河平軍

節度使河北西路宣撫使改御史中丞遼東宣撫副

使再闚月權右副元帥參知政事遼東路行尙書省

事賜御衣殿馬安山甲上京行省富察烏錦原作蒲察五斤

奏其功賜金百兩絹百疋興定元年眞拜參知政事

權右副元帥行尙書省元帥府於博索

原作婆速

路承制

除拜刺史以下

金史本傳

時布希萬努

原作蒲鮮萬奴

侵掠博索

之境烏錦入朝遼東兵勢愈弱烏錦留左翼提控

四字

據完顏匡傳增

江山守華州江山亦懷去就及上京宣撫使

富察伊埒圖

原作蒲察移刺都

棄官奔南京

傳作改陝西參議依詳校本改

正

而伯特呼圖

原作伯德胡土

遂有異志宣撫使海努

原作海奴

不迎制坐而受詔阿里巴斯械繫之矯稱有詔大赦

諸道眾乃稍安呼圖與知廣甯府事溫特赫成格勒

原作溫迪罕青狗

約爲兄弟內忌阿里巴斯伊埒圖奏二人

不協無使相隸宣宗召成格勒成格勒不受詔阿里

巴斯殺之呼圖懷怨乃以兵戕殺阿里巴斯權都監

納塔裕

原作納合裕

與監軍溫特赫格綱額

原作哥不爾

參議

軍事郭澍謀誅呼圖未敢發會烏錦遣副留守瓜爾

佳諳達

原作夾谷愛答

左右司員外郎彥廷都倫

原作抹

摠獨魯詣

裕計事以謀告之二人許諾乃召呼圖至帳中殺之

阿里巴斯寬厚愛人敏於吏事能治劇要讒者以爲

用之未盡云及是贈平章政事封芮國公

宏簡錄

完顏特爾格

原作鐵哥

世爲率賓

原作速頻

路海蘭哈達

原作曷懶

合明安年二十四

金史本傳

襲世爵

丞相

授廣威將軍性

純直貌雄偉粗通書御下惠愛察廉除臨海軍節度

副使改達喇

原作底刺

弘詳衮丞相襄行省於北京特爾

格爲先鋒萬戶有功丁母憂起遷同知武勝軍節度

使事充右副元帥完顏匡副統號平南邊江將軍攻

光化軍王統制以步騎出東門逆戰特爾格擊卻之

拔鹿角奪門以入遂克之進攻襄陽爲前驅獲生口

知江渡可涉處陰植標以識之大軍至導之濟屢戰

皆捷以勞進官兩階匡圍德安特爾格總領攻城築

壘於德安鳳凰臺並城作甬道立鷲車對樓攻之擊

走張統制兵時暑還屯鄧州兵器進官兩階遷同知

臨潢府事改西南路副招討宿州防禦使貞祐二年

樞密使圖克坦都呼

原作徒單度移刺

以特爾格充都統入

衛中都遷東北路招討使兼德昌軍節度使布希萬

努

原作蒲鮮萬奴

在咸平忌特爾格兵強牒取所部騎兵二

千又召泰州軍三千及戶口遷咸平特爾格察其有

異志不遣宣撫使承充召赴上京命伐扶餘

原作蒲與路

既還適萬努代承充爲宣撫使抵前不發軍罪下獄

被害諡勇毅

金史本傳

塔納

原作塔坦

謀嘉上京路音德爾

原作牙塔懶

明安人

金史本傳

初習策論舉業大定二十六年選入東宮教鄆王琮

瀛土環讀書以終場舉人試補上京提刑司書史以

廉能著承安元年契丹陀鎖寇掠韓州信州提刑司

問書史誰入奏者皆難之謀嘉請行五年特賜同進

士出身

宏簡錄

調東京教授湯池主簿太學助教丁母

憂服闋累除翰林修撰兼修起居注監察御史貞祐

初遷吏部員外郎翰林待制侍御史完顏寓舉謀嘉

才行志在匡國可預軍政充元帥府經歷官中都被

圍食且盡胥鼎奏京師官民能贍足貧民者計所贍

遷官先給據謀嘉不受據而去中都危急謀嘉曰帥

臣統萬眾不能出城一戰何如自縛請降耶宣宗議

遷都謀嘉曰不可河南地狹士薄他日宋夏交侵河

北非我有矣當選諸王分鎮遼東河南中都不可去
也不聽頃之除唐州刺史入爲太常少卿兼左拾遺
遷鄭州防禦使改左諭德轉少詹事使宋

二字依詳校本增

攝御史中丞未幾攝太子詹事興定元年潼關失守
遷河南統軍使兼昌武軍節度使攝樞密院事行院
許州汰去冗食軍士二千餘人上書諫伐宋不聽三
年降潁州防禦使有告宋人將襲潁州者已而宋兵
果至謀嘉有備乃引去有司上功不及告者謀嘉請
而賞之四年召爲翰林侍講學士兼兵部侍郎同修

國史卒

金史本傳

富察

原作蒲察

思忠本名烏延

原作畏也

隆安路海蘭

原作曷懶烏

珠

原作兀朮

明安人大定二十五年成進士調文德瀨陰

主簿國子助教應奉翰林文字太學博士累遷涿州
刺史吏部郎中遷潞王傅被詔與翰林侍讀學士張
行簡討論武成王廟配等列思忠奏曰伏見武成王
廟配享諸將不以世代爲先後按唐祀典李靖李勣
居吳起樂毅上聖朝太祖以二千之眾破百萬之師
太宗克宋成此帝業秦王宗翰宋王宗望羅索

原作婁室

古新與前代之將各以功業閒列可也思忠論多矯
飾不盡錄錄其頗近理者云遷大理卿兼左司諫同

修國史泰和六年平章政事布薩

原作僕散

揆宣撫河南

詔以備禦攻守之法集百官議於尙書省廷臣尙多

異議思忠曰宋人攻圍城邑動至數千不得爲小寇

但當選擇賢將宜攻宜守臨時制變無不可者上以

爲然頃之遷翰林侍講學士兼左諫議大夫大理卿

同修國史如故再闕月兼知審官院正職外兼四職

自思忠始宋人請和賜銀五十兩重綵十端丁母憂

起服侍講學士兼諫議修史知審官院轉侍讀兼兵

部侍郎

金史本傳

頃之遷太子太保明昌二年春享太廟

思忠攝太尉醉毆禮直官御史臺劾奏降秘書監終

翰林學士

宏簡錄

赫舍哩呼實默

原作紇石烈胡失門

上京路明安人明昌五年

進士累補尙書省令史除中都路度支判官調河北

東路都管勾判官累官翰林直學士大理卿右諫議

大夫興定三年

傳作二年依本紀改正

伐宋充元帥左都監赫

舍哩約赫德

原作牙吾塔

參議官行省布薩

原作僕散

安貞劾

奏約赫德違詔背約至楚州不待節制輒進兵直前

至江而復宋人堅壁不出野無所資

傳作掠依詳校本改

軍士

疲乏餓死相望呼實默坐不矯正乞朝廷治罪特詔

原之

宏簡錄

改同知彰德府事五遷吏部尙書五年拜

御史大夫元光元年兼大司農二年薨宣宗報朝百

官致奠

金史本傳

瓜爾佳寶倫

原作古里甲石倫

隆安人以武舉登第爲人剛

悍頗自用所在與人不合宣宗以其勇善戰每任用

之貞祐二年累遷副提控太原府判官

金史本傳

與從宜

都提控振武軍節度使完顏富拉塔

原作蒲刺都

議拒守

不合交章論列詔各分統其兵未幾遷同知太原府

事奏請招集義軍設置長校各立等差制可四年遷

河東宣撫副使轉絳陽軍節度使權經略使尋知延

安府事兼鄜延路兵馬都總管元兵圍忻州詔率兵

往援護其民人咸入太原保全甚眾興定元年七月

改河平軍節度使兼衛州管內觀察使太原知府烏

庫哩

原作烏古論

德升言其不救汾州命有司議罪詔赦

之諭以朕初謂汝勇果爲國盡力故倚以濟事尋聞

汝嗜酒不法然皆瑣屑乃若不救汾州豈細事哉有

司議罪如此汝其悉之益當戮力以掩前過十二月

遷鎮西軍節度使兼嵐州管內觀察使行元帥府事

二年四月奏言去歲北兵破太原遊兵時入嵐州境

官民將士悉力悍禦卒能保守無虞向者河東內郡

皆駐以精甲實以倉儲視邊城尤爲完富然敵兵一

至相繼淪沒當大軍初入郡縣倉皇非帥府控制則
陝管保德岢嵐甯化皆不可知矣今防秋不遠乞朝
廷量加旌賞務令益盡心力易以鎮守詔樞密院有
功者各遷一級仍降授空名宣敕三年二月又奏向
者并汾既破兵入內地臣謂必攻平陽將及潞州還
當由隆州谷以入太原請兵扼其歸路朝廷不以爲
然旣而皆如臣料始太原失守河東民皆攜老幼徙
居山險無人從賊意敵不能久留且望官軍復至今
敵居半歲遣步騎擾諸保聚官軍竟無至者民豈能
久抗乎夫太原河東之要郡平陽陝西河南之藩籬

也若敵兵久不去居民盡從屯兵積糧以固基本復

擾郡縣之未殘者則邊城指日皆下矣北路不守則

南路爲邊去陝西河南益近臣竊憂之故復請兵以

圖戰守而樞府檄臣并將權太原治中郭遙祖義軍

萬餘人糧五千石會汾州權元帥府右都監穆延呼

喇原作抹復太原臣召遙祖欲號令其眾遙祖不從

但稱李天祿等軍未嘗親問問糧曰散在數處蓋其

情本欲以已有兵糧冀朝廷見用以取重職不可指

爲實用也然臣已遣提控實嘉烏爾欽原作石蓋等

領軍以往但敵勢頗重而往者皆新集白徒絕無精

銳恐不能勝乞於河南陝西量分精兵以增臣力仍令陝西州郡近河東者給之資糧更令南路諸軍經敵之南以分其勢如此庶幾太原可復也詔陝西河東行省分糧與之請兵之事以方伐宋不從三月又奏頃者臣所遣烏爾欽引官兵義兵共圖收復太原擬得注授九品之職及有功軍士宜速賞之以請於朝執政以爲賞功罰罪皆須中覆臣謂河東去京師遠移報往返率數十日矧官軍皆敗亡之餘鋒銳略盡義兵亦不習行陣無異烏合以重賞誘之猶恐不爲用况有功而久不見報乎夫眾不可用則不能退

敵敵不退則太原不可復太原不可復則平陽之勢日危而境土日蹙矣今朝廷抑而不許不過慮其濫賞耳借使有濫賞之弊與失太原孰重詔乃從其請自太原治中及他州從七品以下職四品以下散官

並聽遷調是月復言日者遣軍潛

傳作清依詳校本改

擣敵壘

而同知富察和勒端

原作蒲察桓端

拒而不發又召同知甯

邊軍節度雅里雅勒呼

原作姚里鴉鶻

與之議兵竟不聽命

近委石州刺史納哈塔旺結

原作納合萬家

權行六部辭以

他故約武州刺史郭憲率所部併進亦不至臣位當方面而所統官屬並不稟從乞朝廷嚴加懲戒庶人

知職分易以責辨宰臣惡之反奏和勒端雅勒呼已
經奏改實倫身兼行部不自規畫而使旺結往來應
給石州無人恐亦有失武州邊郡正當兵衝使憲率
軍離城敵或乘之孰與守禦旺結等不從未爲過也
上以爲然因遣諭實倫曰卿嘗任歸德行院衛州防
備之事非不素知乃以步騎爲請何耶比免卿罪特
授三品卿當誓以死報今自謂河南之眾必不可分
但圖他日得以藉口耳所爲如此豈報國之道哉旺
結等若必懲戒彼中誰復可使者姑爲容忍可也閏
三月實倫駐兵太原之西俟諸道兵至進戰

宏簡
錄聞

脅從人頗有革心上言於朝乞降空名宣敕金銀符

許便宜遷賞以招誘之上從其請並給付之仍聽注

五品以下官職

金史本傳

六月遷金安軍節度使行帥府

事於葭州時鄜州元帥內族承立慮夏人入寇遣納

哈塔邁珠

原作買住

以兵駐葭州實倫不奏輒分留其兵

千八百人論罪當絞遇赦乃止除名元光元年起爲

鄭州同知防禦使以罪除名尋令白衣領職復以罪

免正大八年元兵入河南以權元帥左都監令代昌

武軍節度使銀祐祿同周

原作粘葛全周

領兵詔諭卿先朝

宿將甚有威望故起拜是職元帥蘇椿武監軍皆曠

兵事宜與同議勿復如前不睦時游兵已至許實倫
赴鎮幾爲所獲數日兩省軍敗潰軍踵來實倫遣歸
順軍提控嵐州人高珪往偵因持在州軍馬糧草數
目奔於元軍仍告以城池深淺俄元兵至城下令鳳
翔府韓壽孫持檄招降言三峯敗狀實倫與椿就市
中斬之無何武監軍偏裨何魏輩開東門內族安春
原作開南門瓜爾佳太守開西門元軍乃入城擒蘇
按春椿怒其不屈殺之實倫投廨後井中死
宏簡同周自
縊州廨同周名暉字子陽策論進士蘇椿大名人
金史

本傳